

心庶幾程子之意歟歲庚戌
書甫成伯垂適成進士登瀛
洲亦足見福善之應豪俊不
爽矣惟是善量無窮擴充為
貴異時浴履清華敷歷中
外更推是心以為仁愛之術

其所濟不愈大哉余嘉伯垂
之志為并教誨即以加勉焉
咸豐元年歲次辛亥孟春
江陰李芝昌書



敘

醫方易簡編者龔君月川所
撰也黃君伯垂將付手民壽
諸剖剝屬余首路導其引隍
余中古之書罕捃夫殘竹上
池之水未飲夫長樂奚足以

被飾芝函揆張藻翰然觀龔
君名篇之意黃君樂善之公
易知易從挾乾坤之蘊欲立
欲達宏博濟之方詳其旨趣
有可言焉夫藺茹傳卵雀之
丸麥鞠寄河魚之鱖古初方

齊於此權輿泉乎八十一難
越人闡其鏡經百十三方長
沙洞其機要王成孫褚並軌
爭趨劉李張朱聯鑣競轡或
緣經以立訓或通變以設權
或發難以拒疑或矯枉以糾

謬莫不楷撫後進圭臬前徽
而薪傳既遙枝分愈遠津逮
之塗則一同源之派易歧厥
蔽所存其流有四史公釣竒
敘援熊之夢干寶誌恠傳療
龍之神不過搜方伎之瓌聞

資文章之瑀飾而泝薶餘瀝
豔說乎挂蛇榆英懸癰侈徵
乎剖蛤是有神工無關要訣
好奇之蔽其流一也養性養
命中和筦其樞齊剛齊柔涼
燠區其用即亢害而承制必

陽祕而陰平乃論宣明於暑
火蘖苦不皸蒸靈液於水雲
桂辛是餌石火三斗陳冰一
盤見偏之蔽其流二也司天
有化氣辨夫客淫帝問無方
功憑夫砭刺而九鍼之名莫

究七元之運易差必欲揣量
竒經權衡尅勝則青囊晻曖
卷已軼乎丙丁黃道推遷紀
久讐乎甲子泥古之蔽其流
三也醫者意也神契夫臨幾
方者倣也義宗夫成法故華

專處齊稱量乎分銖敬輿集
方博求乎經驗而或心昧成
獲臆逞圓機古人欺我謂金
匱之可刪大藥何名譬玉卮
之無當師心之蔽其流四也
四者汨流妄生三惑無洞垣

之明有獵名之術獬廌聞禁要
居然九折之肱暫習方書遂
註千金之翼飛豪走翰淵乎
莫窮按脈循經茫無一驗此
一惑也黨同伐異別戶分門
言各成於一家書未窺夫三

世宗景岳之論遽誼河間讀
節菴之篇翻疑仲景窺豹不
全測蠡自隘此二惑也又其
下者家傳舊業則享帚獨矜
技擅專科則席珍是祕非有
龍宮之禁爭為蠅利之營宋

人泝泝之藥祇以得金元禮
薈萃之傳謀諸肱篋醫非小
道人有市心此三惑也則欲
鏡四流之謬祛三惑之滋埽
正路之荆榛發神功於草木
今之作者意在斯乎龔君博

習竒書少承家學憫國工之
不世冀婦孺之咸知綱舉目
張可按圖而索驥振袞挈領
豈歧路之亡羊又得黃君勤
為商推廣厥流傳抱朴肘後
之方纂成於宏景論衡枕中

之秘不靳於伯喈美合難并
相得益彰矣余與黃君夙相
知契重以婚姻見其行穆淳
脩家傳陰德為善寂樂訓稟
於鯉趨博愛謂仁澤覃夫蟻
渡是知枝駢棣萼秀擢木天

籍註蓬萊臚宣朵殿世德作
求積善餘慶有自来也至其
取材之當體例之精諗之作
者自有定評余非專門無煩
覲縷已

皆

咸豐元年歲在辛亥夏至前
三日順德羅惇衍撰并

書

